

Lescha davart la dismessa da rumians dalla vischnaunca da Laax

I. Disposiziuns generalas

Art. 1

Questa lescha vala per igl entir territori communal.

Validitad

Ella vegn applicada per l'allontanaziun e la dismessa da tuttas sorts rumians che sedattan sil territori dalla vischnaunca da Laax.

Las prescripziuns specialas federalas e cantunalas davart la dismessa da rumians restan resalvadas.

Art. 2

La suprastonza communal survigilescha l'allontanaziun e la dismessa da tuttas sorts rumians. Ella sa prescriber che certs rumians vegnien rimnai separadamein per l'utilisaziun, la neutralisaziun ni la dismessa.

Survigilonza

Art. 3

Tut ils rumians produci sil territori dalla vischnaunca da Laax ston vegnir allontanai e dismiss dil caschunader resp. dil possessur tenor las prescripziuns da questa lescha.

Obligatori

Igl ei scumandau da deponer rumians en auas, uauls, cavas da gera etc. Plinavon eis ei era scumandau da surdar alla canalisaziun ni da satrar rumians da tuttas sorts, era manizzai ni miults.

II. Specias da rumians

Art. 4

Sco rumians da casa valan: vanzadiras da cuschina, puorla, pupi, material da pachetar, plastic, tocs da vischala e da veider, scattas da conservas, tschendra freida, restonzas da scaldament e.a.v. cun excepziun dils objects menziunai sut art. 5.

Rumians da casa

Art. 5

Sco rumians surdimensiunai valan ils rumians da casa che san buca vegnir deponi en ils recipients mess a disposiziun dalla

Rumians surdimensiunai

vischnaunca pervia da lur fuorma e grondezia, sco p.ex. canasters, chistas, ferradira, mobiglias, travs, pneus etc., sco era tut ils objects ch'ein pli gronds ch'in meter. La peisa d'in toc singul astga buca survargar 40 kilos. Objects che peisan pli che 40 kilos ston vegnir annunziat agl uffeci da baghegiar communal avon il transport da rumians surdimensionai. Els vegnan allontanai sin giavisch ed encunter indemnizaziun.

Art. 6

Material da baghegiar

Restonzas da material da baghegiar, sco material da pachetar, recipients per colur e colla, rests da lenna, teppis, cabels e conducts e.a.v., ston vegnir transportai dallas interpresas ni dil proprietari directamein sin ina deponia adattada.

Art. 7

Material da scavament e da demoliziun

Sco material da scavament e da demoliziun valan las restonzas che resultan da lavurs da scavament, dalla disfatga dad edificis ed implants inclusiv vias sco era da gallarias e d'explotaziuns da material (crapperas, cavas da gera) e.a.v.

Material da baghegiar tenor art. 6 da questa lescha vala buca sco material da scavament e da demoliziun.

Art. 8

Rumians specials

Sco rumians specials valan curdems industrials, vehichels ord diever e lur parts, fier veder, battarias, rumians d'iert, tassis, substanzas che cuntegnan ieli, restonzas d'animals, rumians medicinali, radioactivs e chemics ni auters rumians prigulus.

III. Dismessa da rumians

Art. 9

Allontanaziun e dismessa da rumians

La corporaziun da vischnauncas Surselva organisescha il transport e la dismessa dil rumians.

Art. 10

Preparaziun per il transport

Ils rumians ein da deponer en sacs da rumien serrai en ils containers da norma sin rodas.

Rumians surdimensionai ston vegnir semtgai en recipients aviarts che san vegnir fiers. Objects libers han da vegnir ligiai ni pachetai.

Art. 11

Per casas da pliras famiglias cun pli che 6 habitaziuns, per gruppas da casas, hotels, ustrias, menaschis da mistregn e d'industria sco era per casas da fatschenta e scolas cun gronds quantums da rumians sa la suprastonza communal a declarar obligatoris il diever da containers da rumien sin rodas.

Containers

Art. 12

Ils rumians surdimensiunai ein da deponer en fuorma adequata en in liug da rimnada public designaus dalla vischnaunca sil pli baul la sera avon l'allontanaziun.

Loghens
da rimnada

Sche la vischnaunca vul installar in plaz da rimnada sin terren privat, han ils proprietaris dil plaz da lubir quei. En quei cass sto la vischnaunca denton acquistar ils dretgs necessaris entras in contract.

Tier projects da baghegiar pli gronds e tier la planisaziun da quaters ein loghens da rimnada da prever. La suprastonza communal relai las disposiziuns necessarias.

Art. 13

Per rumians reutilisabels sco pupi, veider, fier veder etc. vegnan loghens e survetschs da rimnada specials installai.

Rimnadas
specialas

IV. Rumians specials

Art. 14

Per l'allontanaziun da vehichels ord diever, carcassas, cadavers e restonzas d'animals valan las prescripziuns cantunalas relativas.

Vehichels
vegls, cada-
vers, rumians
d'iert etc.

Rumians d'iert e d'agricultura ein da cumpostar, sche pusseivel. Il cumpostar da vanzadiras da cuschina sco era dad autras substanzas organicas ei lubius e vegn recumandaus.

Art. 15

Igl uffeci da baghegiar communal dat sclariment davart la dismessa d'alters rumians specials sco tissis, battarias d'autos, substanzas che cuntengnan ieli, restonzas medicinalas, radioactivas, chemicas ni schiglioc nuscheivlas.

Auters rumians
specials

Ils cuosts che sedattan ord la dismessa da rumians specials per la vischnaunca san vegnir adossai al caschunader. Priu ora da quei ein ils rumians reutilisabels.

V. Material da scavament e da demoliziun

Art. 16

Dismessa dil material da scavament e da demoliziun

Il material da scavament e da demoliziun astga mo vegnir mess sin deponias designadas dall'istanza da baghegiar.

Las deponias privatas e publicas ein da planisar, d'ereger, da mantener e da serrar tenor las disposiziuns executivas.

Art. 17

Lubientscha per deponias

Per la lubientscha da deponias valan las prescripziuns respectivas dalla confederaziun, dil cantun sco era dalla lescha da baghegiar communal.

VI. Regulaziun da taxas

Art. 18

Taxas per la dismessa da rumians

La taxa annuala per l'allontanaziun e la dismessa da rumians vegn incassada sin fundament dils cuosts totals tenor il quen d'administraziun dalla vischnaunca. Quels cuosts cumpeglian las expensas dalla corporaziun da vischnauncas Surselva, il transport da rumians surdimensiunai dalla vischnaunca sco era las expensas per la dismessa da rumians specials che san buca vegnir adossadas directamein al caschunader.

Art. 19

Transports da rumien extraordinaris

lils cuosts per transports extraordinaris ch'ei buca menziunai en art. 4 e 5 da questa lescha sto igl empustader surprender tenor las tariffas da reschia ordinarias.

Art. 20

Incassament dallas taxas

Las taxas per la dismessa da rumians vegnan messas a quen annualmein als contribuents. Per in schischom cun in'administraziun communal ei la vischnaunca denton era autorisada dad incassar las taxas directamein dall'administraziun da quei object.

VII. Disposiziuns executivas e finalas

Art. 21

Execuziun

La suprastanza communal vegn incumbensada cun l'execuziun da questa lescha. Ella relai las disposiziuns executivas necessarias ensemen cun la lescha.

Pensums da muntada secundara san vegnir delegai agl uffeci da baghegiar communal ni a tiarzas personas.

Art. 22

Cuntravenziuns encunter las disposiziuns da questa lescha valan sco delicts permanentes e vegnan punidas dalla suprastonza communal cun castitgs da frs. 50.– tochen frs. 20 000.–. La suprastonza communal ei buca ligiada alla limita maximala, sch'il falliment periclitescha considerablamein carstgauns ed ambient. Punidas vegnan era cuntravenziuns commessas per negligientscha, emprovas da cuntravenziun ed agid leutier.

Disposiziuns
penalas

Art. 23

Installaziuns e cundiziuns che corrispundan buc allas prescripziuns san vegnir allontanadas ni midadas sin cuost dils responsabels, sche quels ein vegni admoni senza success. Els stattan era buns per in donn eventual alla vischnaunca.

Execuziun
remplazzonta

Art. 24

Encunter las disposiziuns digl uffeci da baghegiar communal ni da singuls funcziunaris comunals en connex cun l'applicaziun dalla lescha presenta sa il pertuccau far protesta en scret enteifer 20 dis naven dalla comunicaziun tier la suprastonza communal.

Mieds legals

Encunter decisiuns e disposiziuns dalla suprastonza communal sin fundament da questa lescha san ins far recuors enteifer 20 dis tier la dertgira administrativa.

Art. 25

Questa lescha entra en vigur cun l'approbaziun dalla radunonza communal dils 23 da fevrer 1990.

Entrada
en vigur

Cun l'entrada en vigur da questa lescha ein abrogadas tut las prescripziuns che stattan en cuntradicziun cun quella, oravontut il regulativ davart l'allontanaziun e la dismessa da rumians sco era da curdems da mistregn e d'industria ella vischnaunca da Laax dils 13 da december 1968 sco era igl uorden da taxas dils 25 d'october 1973.

Suprastonza communal da Laax

Il president communal:

E. B. Hangartner

Il scarvon communal:

Augustin Killias